

հոգեւոր հօրն իւրոյ Աթոռակալ Հաննա Յովհաննէս վրդ.ին Ս. Երուսաղիմացոյ, և Ծնողի իւրոյ... ի պատրիարքութեան Տն Գրիգորի և Տն Յովհաննու վարդապետաց ի Ս. Երուսաղէմ, ի Ս. Յակոբ, յաթոսն ամ. հայոց ի թվին ՌՃՁԳ» (=1734):

ՊՕՂՈՍ ԱԲ. ԷՐՁՐՈՒՄՅՅԻ.— Մբ. 1693ին կը վախճանի Բեթղեհէմի հայոց վանքին մէջ, ինչպէս կը յիշուի Մինաս Ամդեցիի Օրագրութեան մէջ:

ՊՕՂՈՍ ԱԲ. ՈՒՌՀԱՅԵՑԻ.— Մբ. Ս. Ծննդեան վանքին մէջ 1660ին կ'ընդօրինակէ *Սորհրդաւոր* մը իրեն համար, և կը գրէ հետեւեալ յիշատակարանը. «Փառք... գրեցաւ սբ. Սորհրդատետրս ձեռամբ անարժան Պօղոս յՈւռհայեցոյ, որ անուամբ եմ արեղա և գործովս ունայն... փափաքեցայ և գրեցի զսա յիշատակ և ծնողաց իմոց... գրեցաւ սա ի թուականիս հայոց ՌՃԹ (= 1660), (ի ս. քաղաքն Երուսաղէմ,) ի դուռն Ս. Ծընընդեան» (Խապ. Յուց. տետր Իէ. էջ 2029—30):

ՊՕՂՈՍ ԱԲ.— Մբ. Պե (=1391), իր ճառընկիր գիրքը կը յիշատակէ Ս. Փրկչի վանքին և կը պատուիրէ որ դուրս չհանեն. (ՄԶ. Թ. 589). (Խապ. Յուց. տետր ԾԲ. էջ 4025—26):

ՊՕՂՈՍ ՀԱՊԷՇ.— ՊԶԸ (=1439) թուին ընդօրինակուած Ս. Ներսէս Շնորհալիին Յս. Որդի ձեռագիրը 1674 ին կը նուիրէ Երուսաղէմի Ս. Փրկչի վանքին. նոյն ձեռագիրը այժմ կը զբառնուի Վատիկանի հայերէն ձեռագիրներու մատենադարանը (Թ. 4.) որմէ կը քաղենք հետեւեալ յիշատակարանը, «Ես հարաջ Պօղոսս յիշատակ տվի զայս Յս. Որդիս ի Սբ. Փրկչի վանքն: Թվն. ՌՃԻԿ (=1674) ի Սբ. Երուսաղէմ.» «Փառք... արդ զբրեցաւ սա ի թվականութեանս հայոց ՊԶԸ (=1439) ձեռամբ մեղապարտ գրչի Աբրահամ արեղի. յիշատակ ինձ և ծնողաց իմոց և...» (Tisserant. էջ 5—6):

ՊՕՂՈՍ ՄՈՄՍՎԱՃԱՌ.— Քրձ. 1887ին իր ծախքովը Բեթղեհէմի մէջ շինել կուտայ մթերանոց մը, ի նպաստ Ս. Աթոռոյ:

ՊՕՂՈՍ ՅԱԿՈԲԵԱՆ ԽԱՉԱՏՐԵԱՆՑ, ԵՐԵՒԱՆՑԻ.— Վաճառական. 1866ին ուխտաւորութեամբ կ'այցելէ Ս. Յակոբի վանքը. Եսայի պարքի առաջարկութեան վրայ՝ Ս. Յակոբին կը նուիրէ 400 օխայ ծանրութեամբ զանգակ մը, որ վանք կը բերուի 1868 Օգոստոսին. (Սիօն. 1868. էջ 188):